


吳越備史

一之下



漢書門			
九〇五二	一〇九二	四	冊架函號類

內閣文庫			
九〇五二	二	二	漢書
二〇九二	二	二	冊架函號類

內閣文庫			
番號	漢	9052	
冊數	4 (2)		
函號	290	154	



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



綴じ部(喉部分)の文字等が開きが不鮮明な場所あり



乙丑 天祐二年春正月制授文穆王等官爵是月淮將

閻暉等來據新安王命從弟鎰與指揮使顧全武等

禦之我師不利鎰等被執於賊三月廣帥彭城隱始有

南海而衢州制置使陳章亦貳於我夏四月陳章會

睦州兵及淮將陶雅等同攻東陽王命弟鏢帥師討

之秋八月處州刺史盧約弟信寇永嘉張惠奔蕪諸

王命方永珍濟師於東陽會師討賊九月陳章陷東

陽執刺史沈夏送於淮南夏海鹽人也徐及為監鎮

與高彥隸其中及亦八都

之一號海昌者也王副董庶人討黻漢宏於越州徐

及遣夏與高彥率本部會我師王見之甚悅延入臥

內謂曰吾東討之師已眾渡江之役無勞爾輩但徐

及平素強梁終非我所蓄以我東討或為後患汝還

掃葉山房

本營為我殺之皆當以列郡牧汝然吾非誨人為逆
 但境上苦於干戈不仁者當盡除之息生聚耳汝
 等當識我意夏等再拜聽命王厚遣之既回告及曰
 董公與錢公以兵討賊聞將軍以所部見助喜動於
 色然以東北為慮設有狗鼠偷竊復勞後顧夏等實
 託將軍以為後據及有軍師竊視夏等謂及曰二校
 至自錢塘皆有反文在軍視夏等謂及曰二校
 遂與其下謀之一夕竊發及死其下遂分而夏性兇
 暴不即我歸乃以所得眾七千餘人聚於臨平山下
 擇幼弱者盡殺之惟畱三千餘人徑往嘉興劫吳公
 約同入海為剽公約不從將殺之乃叩頭曰惟吾兄
 之命遂與俱往未幾夏以公約庸儒因放其歸夏所
 圖無成始復歸王王亦優容之累從征伐歷奏職官
 領通郡至任果以殺戮為事左右指令小不稱意即
 加屠害王頗惡之夏一日復構私第於北郭制度雄
 壯侔於公府今北市酒家樓俱夏之第也其長子有
 過輒手刃之王以其噬子滋不悅出為東陽淮將陶
 雖以兵攻其郡王不急救遂為淮人所執尋遇害

陳章自稱竊衢二州刺史復分兵與淮將許野鶴等

犯我暨陽野鶴之名或云許再思軍中以其多語故

故號其名焉淮南嘗致書於王曰願事書王命楊習

逐之一作章兵大敗習遂攻東陽冬十月有獸入吳

興一角麟趾十一月王命建功臣堂於府門之西樹

碑紀功仍列賓寮將校賜功臣名氏於碑陰凡五百

人是月楊行密殂子渥嗣十二月睦州刺史陳詢奔

淮南詢即晟之弟餘杭人也八都建稱清平鎮將因

八載而卒子紹權嗣詢黜紹權而自立懼非王命頗

不自安屬徐許之亂乃通田頔頔敗詢益懼及王命

遂不聽命而飯至是而奔丙三年春正月淮將陶雅率其黨自睦州歸歙是月

寅

王親巡睦州時宣州觀察使王茂章為淮人所圖因

奔於王王以為鎮東軍節度副使二月辛卯王至睦

州陳章退保衢州婺州平是月丁酉元同先生聞邱

方遠卒方遠其先齊人嬰之後也父聞不仕以文學

節行稱方遠幼辯慧學於廬州道士陳元悟

披卷必曰葛稚川陶隱居俱吾之師友也銓太平經

為十三篇景福庚戌歲始居餘杭大條洞初入謁王

談莊老之義遂巡而罷退而嘆曰彼英雄也是不宏

與談元虛之道乎翊日入謁遂陳春秋因延之盡日

由是王厚加禮遇重建天柱宮俾以居之王奏請賜

紫又救賜號元同先生一日王於城南樓命方遠圖

形前一夕王夢方遠駕鶴至由是王益奇之江東羅

隱每就方遠授子書方遠必瞑目而授餘無他論門

人夏隱言謂方遠曰羅記室上令公容先生何不與

之語方遠曰隱才高性下吾非授書不欲及他事而

花至方遠受訛乃入齋中作控鶴坐怡然而一日王

逝復有異香滿室王以夏隱言繼其住持也

命方永珍楊習等進攻衢州三月命浙西營田副使

馬綽權睦州刺史夏四月朔日有蝕之洪帥南平王

鍾傳殂子匡時嗣六月淮人陷洪州虜鍾氏而歸秋

八月衢州陳章導淮將周本呂師造等入其境為我

師所逐遂奔淮南章本孫儒之黨尋降於王以從征

本郡王親餞於江干徐縮作亂越州客軍張洪等疑

懼乃與其黨三百餘人奔章章納之又屬丁章叛於

永嘉而宣州田頌使其下戚滔將招之章因假道而

是果驗

卷一

三

掃葉山房

衢州制置使是月敕遣右散騎常侍王矩司勳郎中

裴均授王吳王冊禮冬十一月乙丑湖州刺史高彥

卒子澧嗣彥海鹽人也初與沈夏同受王密旨殺陰

功効及湖州李彥徽乘郡奔淮南王親巡吳興其將

沈攸等皆以己功有牧守之望王遂題詩一章於嬰

蘭堂在湖州東南溪次末云須將一片地付與有心

人眾亦不測王將登舟始言曰我以此郡付汝宜善

撫之彥性淳厚居十一載政頗簡便累奏授職官遙

領費州刺史尋至今任將終有道場山僧如訥訥口

能容拳垂手過膝是乃異僧及入州城彥是月敕命

以師事之一日彥與之語訣別未幾而卒

王本道建三代師廟閏十二月王命弟鏢為婺州制

置使

丁四年春三月敕升衣錦城為安國衣錦軍王命文

穆王伐溫州夏四月戊午克溫州斬盧佶而還王命

都監使吳璋為溫州制置使文穆王復討處州是月

梁太祖受唐禪大赦改元開平奉唐帝為濟陰王敕

遣上金吾衛將軍石彥辭刑部郎中薛昭序來宣諭

初梁室受禪有勸王拒之王笑曰古人有言屈身

於陛下是其略也吾豈失為孫仲謀耶遂受之五

月處州盧約納款於我王以為浙江安撫副使命指

揮使俞浩為處州制置使是月敕遣金吾衛大將軍

安崇隱進封王為吳越王增食邑二千戶實封三百

戶仍賜號啓聖匡運同德功臣初節度判官羅隱勸

王舉兵討梁曰總無

成功猶可退保杭越自為東帝奈何交臂事賊王以

隱不遇於唐有怨心其言雖不能用心甚義之王不

三

掃葉山房

行六月敕遣中使來宣諭秋七月敕賜王管內刺史
 竝授官爵仍賜母妻封邑八月敕授王兼淮南節度
 揚州大都督淮南四面招討制置使九月詔封衣錦
 軍神祠號崇福侯又賜道士鄭章號名元章又賜號
 貞一太師夏隱言賜紫竝從王請也是月蜀帥王建
 稱帝國號武成冬十月敕授文穆王金紫光祿大夫
 十二月淮人攻信州刺史危仔昌來求救於我王遣
 師援之

戊辰開平二年春正月敕改臨安縣為安國縣廣義鄉

為衣錦鄉夏五月淮南都將張顥殺其帥楊渥將自
 立為畱後逾旬大將徐溫復殺顥立楊渥弟隆演為

帥六月制授王檢校太師守中書令增食邑一千戶

實封一百戶秋八月敕改杭州唐山縣為吳昌縣台

州唐興縣為天台縣是月又敕陞杭越等州為大都

督府王送宣州王茂章入京師茂章更名景仁避廟諱也九月制

授鎮東軍節度副使成及為保大軍節度使同平章

事副使餘如故未幾淮人困圍我姑蘇王命從弟鋸

率兵討之

乙巳三年春正月梁帝遷都洛陽祀南郊大赦二月朔

日有蝕之敕選王子兩浙副使傅瑛為駙馬都尉夏

四月制授王守太保增食邑二千戶實封二百戶是月王命弟鏢江海遊奕都虞侯何逢司馬福等率師救姑蘇內外夾攻生擒淮將何朗閻邱直等凡三千餘人獲兵甲生口三十萬戰船二百餘艘陳章周本

呂師造等夜遁五月甲寅王親巡姑蘇是月丁巳明

州刺史黃晟卒

晟明州鄞縣人也初應募於望海鎮鎮中立表以選其魁梧者晟以矮陋

不中選乃隸鎮都虞侯林膺而晟性強幹膺甚德之後潛還本鄉募眾據平嘉球時權知州事楊俱署晟為平嘉浦將有眾千餘人初虵漢宏以台州賊婁文知明州事文為楊俱所敗其黨杜宗自宣海鎮鄉民據奉化晟自平嘉球以所部擊之執杜宗等不殺盡驅之使還台州獲其粟帛悉屬於本道遂為奉化鎮將依飛都知兵馬使及餘姚鎮將相嘉侵越州董庶人禦之不利而刺史鍾季文乃遣晟領兵攻相嘉擒

殺之董庶人奏授晟左散騎常侍充浙東道東西副指揮使鍾季文卒遂有本部晟頗尚禮士辟前進士陳鼎羊紹素以為門賓江東儒學多依之悉加優待仍築其居號曰措大營及董庶人僭偽晟亦移書諭之及王師舉晟亦率眾應之在任十有八年遺疏不請其子為嗣凡府庫所畜必題曰送使其忠願如此

辛酉王自姑蘇復如東府辛巳復巡明州因城望

海鎮命子元琳為明州制置使信州危仔昌為其下

應淮人而叛遂奔於我王以為淮南節度副使六月

壬寅王發明州救遣刑部尚書姚洎禮部員外郎羅

袞授王吳越王冊禮戊申至自東府

王之巡句章也行次餘姚丈亭

鎮舟奏五石不能進既而大雨震電有二龍負王舩之下鎮邊使翁元軻拽舟而進二龍自舩而升焉此其異常也耶秋閏八月制授王守太尉加實封二百戶

制曰集非常之事必有挺非常之才建第一之功
必有居第一之位朕膺圖受命負展開階未嘗以
真太尉之官輕於擬議大司之職易於簡求蓋由
其爵尊其任重不有英佐孰當異恩啓聖匡運同
德功臣淮南鎮海鎮東等軍節度使淮南浙江東
西等道管內觀察處置淮南四面都統營田安
撫兼兩浙鹽鐵制置發運等使開府儀同三司檢
校太師兼中書令杭越等州大都督府長史上柱
國吳越王食邑一萬五千戶實封一千戶錢諱海
嶽騰英星雲誕秀契君臣咸一之德有文武兼備
之才宣慈惠和忠正廉毅敦詩閱禮樹百行於藩
籬去暴除奸敵萬人於幃幄弼予興運明乃嘉謨
頃屬淮夷不賓王化自爾益封吳會兼鎮廣陵追
擒每盡於隻輪覆溺速收其巨艦復聞奸宄屢擾
巡封謂天蓋高若水可恃爾又橫戈憤悻獨力支
梧妙運神機大殲戎醜元雲陣起雄風驅下瀨之
師白露圍開沴氣散常州之化再安生聚重復土
疆薛公之三刺咸明漢主之一奇斯在况早攀鱗
翼備見肺腸同德同心二紀密參於締構惟忠惟
孝四方咸則其儀刑苟非劇恩何以加賞是用鏤

於彝鼎冊以輅車擬呂望之尊崇正列侯之貴重
 仍加真食復寵兼官式是獎酬且旌忠烈於戲進
 以正大易所以經邦慎厥終格言用之居位勉思
 遵守克荷寵靈服予訓辭錫爾繁祉可守太尉加
 實封二百戶餘竝如故

是月敕置蘇州吳江縣明州靖安縣今定海縣是也從王請

也冬十月湖州刺史高澄貳於我遣其黨焚燒義和

臨平等鎮王命第鏢率師討之十一月乙酉發運使

羅隱卒隱字昭諫新登縣人也祖知微唐縣令父

更名初從事湖南歷淮潤皆不得意乃歸新登及來

衡容不得思量黃祖慢英雄之句王覽之大笑因加

殊遇復命簡書碎之日仲宣遠託婁荆州都緣亂世

夫子碎為魯司寇只為故鄉隱曰是不可去矣簡辭

孔日官章魯風之辭也王初授鎮海節度時命沈崧

草謝表盛言浙西繁富成以隱隱曰今浙西兵火

之餘日不暇給今朝廷執政方切於賄賂此表入執

政豈無意於要求耶乃請更之其略云天寒而麋鹿

常遊日暮而牛羊不下朝廷見之曰此羅隱辭也及

為賀昭宗更名表曰上則虞舜之全文右則姬昌之

半字當時京師稱為第一隱性不喜軍旅惟與丞相

杜建徽善王初城西府之固隱徐曰敵樓不若內向

步一敵樓足以言金湯之固隱徐曰敵樓不若內向

為佳及徐許之亂人皆以為先見一日隱寢疾王親

臨撫問因題其壁云黃河信有澄清日後代應難繼

此才隱起而續末句云門外旌旗屯虎豹壁間章句

動風雷隱由是以紅紗罩覆其上其後果無文嗣隱

累官錢塘縣令尋授鎮海軍掌書記節度判官鹽鐵

發運副使授著作佐郎司勳郎中歷諫議大夫給

事中賜金紫卒年七十七歲所著江南甲乙集淮海

亘於江上晝夜不滅及隱泊丞相杜建徽生而二氣不復見識者以為文武秀氣焉

庚午四年春二月湖州高豐導淮將李簡陳章等入其

境都將盛師友沈行瑜閉門不納王遣子元瓌濟師

禦之淮人挾豐而遁豐高彥第三子也初彥夢一羽人持劍入臥內彥驚問其故羽

人荅曰來為君之子報數千人冤耳其母自是而孕不足月而生豐年十三四即性暴虐及嗣父位恣行

殺戮將吏侵晨入衙必與妻子訣別而入每登清暑樓眺望則州城東西水陸行人亦皆絕迹豐夜又精

也常請太常博士邱光庭校書於樓中豐亦嘗往觀之一日豐履襪而登光庭不知因迴顧見一青面鬼

遂大呼俄而見豐密言曰博士慎勿言是驗之也又召鄉丁為衙軍號儕要都皆文其面衣青衫白袴緋

抹額凡所指令必躬身仰首如夜叉之狀刀鎗弓矢常居左右又令州人皆黥面約三日當畢過限則誅

豐則以畫面而傳之乾粉州人既黥豐乃洗去晚年租賦所出殺之無可取供願求他可殺者時親給

二丁軍三千餘人曾有言其怨嗟者集於開元寺給日將饗汝因閉三門之半而納之入者旋殺逮半在

外者方覺因奔逸縱火為亂豐聞盛怒閉城大索戮之無遺王以其兇暴滋甚將伐之由是而飯先是道

場山僧如訥以高彥將死與其訣別退而謂其眾曰高公將殂我亦當逝何者蓋有白面夜叉治此政矣

爾輩亦宜避之俄而豐代其父白面者蓋豐未黥面耳豐至淮南屢取娼姬入其私室殺而食

之時王將戮之至是飯遂為淮人所害

王巡吳興命弟鏢為刺史癸卯至自吳興夏五月奏

改西府富陽縣為富春縣東府暨陽縣處州松陽縣

為長松縣秋七月詔原前監軍周廷詰已下二十五

人時有詔誅之王以其自前朝將亂求出避八月始

築捍海塘王因江濤衝激命强弩以射濤頭遂定基

掃葉山房

復建候潮通江等城門

初定其基而江濤晝夜衝激沙岸版築不能就王命強弩

五百以射濤頭又親築胥山祠仍為詩一章函鑰置於海門其略曰為報龍神與水府錢塘借取築錢城既而潮頭遂趨西陵王乃命運巨石盛以竹籠植巨材捍之城基始定其重濠累塹通衢廣陌亦由是而成焉

冬十月戊寅王親巡衣錦軍製還鄉歌

歌曰三節還鄉兮掛錦衣碧天朗朗兮愛日暉功

臣道上兮列旌旗父老遠來兮相追隨家山鄉眷

今會時稀今朝設宴兮觥散飛斗牛無亭兮民無

欺吳越一王兮駟馬歸

其雄辭壯氣實大風之儔也

丙戌至白衣錦城命湖州都將盛師友權婺州刺史

命斬湖州巡校將沈行思

初高澧將奔而師友行思同有閉城之功王巡吳興

乃命師友從行而行思頗有牧守之望乃謂其同職陳環曰盛君來豈不佩印綬而歸耶不然我後安處子為我裁之時環已得密旨俾遣行思歸國乃給之曰二人之功本無優劣然王情尚未可測宏亟詣府城面較功績以決其可否行思遂來覲王亦優待之環送行思家累至行思始悟其事深銜環遂懷怨望王將及國城行思與陳環俱候於北郊行思自取巨槌擊殺環奔舟以疎其前功復言師友與環毀間之狀時師友方從亟引之以相證行思輒奪威鎗將刺師友左右遂擒之王曰吾早以汝強梁故不欲任始念汝閉城之効將收之他郡而今所為若此疇能容之乃命斬於龍邱山許其家屬收葬而師友遂有命是

辛未五年春正月丙戌日有蝕之夏四月制命王守尚

書令兼淮南宣歙等道四面行營都統增食邑二千

戶實封一百戶敕遣刑部侍郎李光嗣建王生祠於

衣錦軍救翰林學士李琪為碑文時從寮吏將校眾所請也五月

朔梁改元乾化是月築松江南北二城鑲柵畢備設

險故也秋七月敕命淮南兩浙幕府將吏五百人竝

賜贊正安國功臣九月梁主如相州冬十月湖州刺

史王第鏢殺防戍指揮使潘良懼譴遂奔淮南十一

月梁主還京是冬廣帥彭城隱廼弟巖嗣

壬申乾化二年夏閏五月朔日有蝕之梁主入洛六月

梁主遇弒郢王友珪僭位秋七月遣刑部尚書李皎

尊王為尚父八月己丑城西陵

癸酉三年春正月友珪改元鳳厯肆赦二月均王友貞

舉兵誅友珪遂即位於汴京更名瑱復稱乾化敕遣

供奉官楊彥賓來宣諭三月敕授王尚父冊禮夏四

月制增王食邑三千戶實封二百戶淮將李濤率兵

二萬自千秋嶺寇我衣錦王命文穆王討之生擒李

濤等八千餘人王又命子元璪帥水師攻東洲又獲

賊將李師愈姚延環等三千餘人而還五月淮將花

虔渦信等率兵五千餘人會屯於宣州廣德縣將復

寇衣錦軍復命文穆王討之六月師克廣德縣獲花

虔渦信及吏卒七千餘人而還是月辛卯彰義軍節

度使檢校太尉兼侍中成及卒及字宏濟錢塘縣人也祖克評嘉王府長

史父貞園子博士及性淳厚為鄉里所重咸通中戊

戌開捍山賊逐齊寇聲名遂振及八都浸盛復分十

三都以富春鎮為靜江都將屬安漢亂即席奮劔將

事攻討漢宏平北關鎮將盛造因執孟安就戮以功

犯王及舉胡床制之偏將江鎮將光啓中潤州薛朗叛

奏遷散騎常侍復為靜江鎮將光啓中潤州薛朗叛

王命及討之時常州刺史丁從實具牛酒以犒我師

仍遺美女於諸將及取而斬之餘悉不納因克之尋

平潤州王奏及授兵部尚書充常州防禦使潤州阮

結卒命及代之累遷檢校司空尋為蘇州刺史乾宣

時淮人圍姑蘇常熟鎮將陸郢巡檢郭用與其黨趙

那以其城應寇邠手刃其母妻子以盟城陷及以禮

見楊行密行密閱及府庫私室皆藥物圖書而已由

是重之至淮南辟為行軍司馬及拒之曰及以百口

託於錢塘不幸城陷於叛以至於此豈宜復以本道

符竹援富貴於鄰境不惟丞相不可百日其謂我何

乃引佩刀自刺行密遽止之因厚禮而歸焉累署鎮

海軍節度副使奏授司徒至太傅天復中王巡衣錦

軍命武勇都將士以治溝洫軍中多怨言及慮有變

微服將入城及乃代乘王車行與賊鬪王遂得入王

性嚴急每有所檢發必亟加斬決或及至王雖盛怒

必為之解其寵遇皆類此也累奏授贊正安國功臣

保大彰義等軍節度使開府儀同三司檢校太尉贈

太師兼侍中冬十月敕加文穆王開國爵邑是月乙

酉大同軍節度使駙馬都尉王子元瑛卒也母吳越

國莊穆夫人吳氏原名傅錯後更名焉性英敏頗尚

儒學聚書千卷善草隸好施時徐綰之叛城中有錦

工二百餘人皆潤人也瑛慮其為變乃命日王令百

工悉免今日工作遂放出城而發懸門王入城聞其

事頗嘉之尋為兩浙副大使梁太祖拜為駙馬都尉

累授大同軍節度使同平章事公主未及降而薨年

三十六敕十二月王命子傳瓌權蘇州刺史

贈太師甲四年夏六月制授文穆王開國侯食邑秋七月廣

帥彭巖遣供軍巡官陳用拙奉禮幣請兄事王王納

掃葉山房

之九月命文穆王率兵攻常州無錫縣獲將卒五百餘人而還

乙亥貞明元年春正月朔改元大赦是月敕授文穆王

以下官爵有差甲午王親巡衣錦軍二月敕遣給事

中韋彖金部郎中李發選王子傳珍為駙馬都尉閏

二月己亥王至白衣錦軍

丙子二年春正月敕授浙東營田副使常州刺史杜建

徽為涇原節度使王命建徽護送傳珍進京師向壽春公主遂授此任秋七月

敕授王為諸道兵馬元帥冬十二月王命恩州防禦

使弟鐸率官吏僧祇詣明州鄞縣阿育山寺迎釋迦

舍利塔歸於府城仍建浮圖於城南以致之九音八

面高三百七十尺中外皆通旋繞其制度皆出王之心匠焉

丁丑三年春三月敕授王子贊正安國功臣鎮海軍北

面水陸都指揮使金紫光祿大夫檢校太保守湖州

刺史大彭縣開國子食邑五百戶傳璟贊正安國功

臣鎮東軍節度副使土客諸軍都指揮使兼北面行

軍招討光祿大夫檢校太保守蘇州刺史大彭郡侯

食邑一千戶傳璿贊正安國功臣鎮海軍節度副使

土客諸軍都指揮使金紫光祿大夫檢校太保大彭

縣開國侯食邑一千戶傳球贊正安國功臣鎮東軍

東面水陸安撫都指揮使光祿大夫檢校太保守溫
州刺史大彭縣男食邑三百戶傳璠贊正安國功臣
鎮東軍西面安撫都指揮使光祿大夫檢校太保守
睦州刺史大彭縣男食邑三百戶傳懿贊正安國功
臣鎮東軍親從都指揮使兼土客諸軍安撫副指揮
使銀青光祿大夫檢校司徒守賓州刺史傳曜贊正
安國功臣鎮海軍上右廳都指揮使兼土客諸軍安
撫副指揮使金紫光祿大夫檢校司徒前明州刺史
元球贊正安國功臣衣錦軍防遏都指揮使金紫光
祿大夫檢校司空守義州刺史傳璋贊正安國功臣
鎮海軍衙內先鋒指揮使金紫光祿大夫檢校司空
守峯州刺史傳珣贊正安國功臣鎮海軍節度上押
衙充安國衣錦軍親從副指揮使兼兩直都虞候金
紫光祿大夫檢校尚書右僕射守巒州刺史傳玘贊
正安國功臣鎮海軍節度右押衙充上直都知兵馬
使銀青光祿大夫檢校尚書左僕射傳肅等十一人
各授官秩階爵及遙郡有差夏四月詔諸道兵馬元
帥府開幕除吏一同天策上將軍府故事是月復以
峯州刺史傳珣守檢校太保餘如故冬十月敕遣吏
部尚書李燕中書舍人韋說授王天下兵馬都元帥

是月黃龍現於卞山之金井洞命立瑞應宮

一作祥應宮

寅四年春三月朔四星聚斗王置元帥府僚等官敕

授兩浙行軍司馬秦州節度使平章事馬綽守檢校

太尉同平章事行軍餘如故夏四月廣帥彭城巖僭稱

大漢皇帝年號大有進士王誦之在南海著昭陽賦一篇序曰皇帝基構乾坤十有

八載矣甲子春始作茲殿計其甲子則巖本年僭號今據皮氏舊錄而書之云前年丁丑僭號其誤明矣

六月西川王建殂子衍嗣改元乾德王命子元球權

衢州刺史命鮑君福等率兵攻信州斬淮將李師造

生擒偏將馮一一作敏等一千餘人刺史周本僅以身

免秋八月制授涇原節度使杜建徽守檢校太傅同平章事冬十二月淮人圍虔州將絕我貢路刺史盧

光儔來告王命徵兵援之未及境而虔州拔矣航海

入貢自此始也

己卯五年春三月敕文穆王伐淮南夏四月淮帥楊渭

又名隆演僭稱大吳皇帝年號武義文穆王率師與

淮人戰於狼山之江大敗淮人斬賊將百勝軍使彭

彥章生獲士卒七千餘人制以湖州刺史大彭縣開

國子王子傳璟為宣州宣國軍節度使同平章事秋

七月我師復攻毘陵因戰於無錫指揮使何逢吳建

死之遂班師八月淮人以狼山之敗遣僞客省使歐

陽汀來請通好王納之息民故也自是休兵民樂業二十餘年九月朝廷以南海僭號詔我師伐之

制曰朕聞綱紀亂常前王無赦懲惡勸善有國不私苟罪惡以顯彰在刑名而何道其有身當閭關寄受國恩敢行不軌之心具驗速辜之迹頒行典憲仍命誅夷靖海建武等軍節度使嶺南東西道觀察處置供軍糧料市舶等使開府儀同三司檢校太保兼中書令持節都督廣州刺史上柱國南平王食邑五千戶彭城巖頊因乃父發迹大藩尋賴其兄致身賓席受先朝之拔擢極上將之寵權念

其尊獎之誠許繼藩宣之任巖乃自行軍之職繼膺推轂之恩秩進三司位同四輔自朕獲承大寶累進崇資一門無比其超榮百世豈矜其寵耀而敢飛章不紀希寵無厭始求抑紀四鄰後請封王南越貪饕斯甚踰僭僭朕每含容再申優渥授之東鎮加以南平比罔思知足益恣兇狂妄稱漢室遺宗欲繼尉陀醜迹結連淮海阻塞梯航徒惑遠方僭稱大號在人情而其棄豈天道以能容宐命討除用清逆亂爾天下兵馬都元帥錢諱志扶廟社任總兵師每興憤激之辭願舉誅夷之令是用

俾予元老平彼叛臣先行奪爵之文爰舉摧兇之
典其彭巖在官爵竝宜削奪仍委指揮征討於
戲將相重任子孫殊榮不能常守於藩修而乃自
干於國典指兇殘而必取念汚染以將新非我無
始終之恩蓋爾有滿盈之罪凡百珍重悉體朕懷

王雖受命而山川隔越地方擾攘請以事寢冬十一

月丁亥吳越國正德夫人吳氏薨夫人臨安縣人也父仲忻浙西觀察

判官累贈吏部尚書初王議婚吳氏以王豁達大度不事產業將不許而吳世父有知人之鑒固促成之及歸室閨門整肅孝敬如禮王性嚴急嘗怡顏以諫之撫愛諸子無分彼此之親累封燕晉二國至吳越國正德夫人王女捨出家因建奉國寺或夫人將遊之王乃命帛百疋以備散施夫人曰妾備嘗機杼之勞遠以遊賞費之非念人之道遂不受而夫人諡曰
罷其行其仁慈節儉如此薨年六十二歲

莊穆有子十人

辰六年春二月敕授宣州節度使同平章事王子傳

璟以下竝起復雲麾將軍上右金吾衛大將軍員外

置同正員餘竝如故三月王命元帥府判官皮光業

使於邗溝夏五月淮南楊渭殂弟溥嗣偽諡渭為宣

皇帝秋七月王以子睦州刺史傳懿為婺州刺史

辛巳七年春三月王從弟鑑至自淮南王亦歸李濤以

報之鑑以天祐二年睦州之役為賊所執李濤以夏乾化三年來寇我衣錦軍擒之至是各歸焉

五月梁帝祀郊改元龍德六月朔日有蝕之秋七月

潭州楚王馬殷遣掌書記李峴馬匡送女歸於都知
兵馬使檢校尚書左僕射王子傳瓚冬十月制授文
穆王檢校太傅同中書門下平章事充清海節度使
自是賜王書詔不名

壬午龍德二年春正月敕授文穆王以下竝起復加爵

邑有差秋七月王建天下元帥府於興國門之右八

月兩浙行軍司馬秦州雄武軍節度使同平章事馬

綽卒綽餘杭縣人也性氣淳直與王同事董昌昌嘗
使王問部伍亡其名籍王因歷明之存亡健悴

者無所遺失綽密謂王曰董氏忌前駭此強記必相
惡乃以白籍紙數幅授王若代軍籍者由是頗德之

王因以從妹歸綽綽尋隨董氏於越及董僭號綽棄
家先奔於王乃舉奏授諸城都指揮使徐縮之亂綽

有發懸門之功王尋命文穆王納綽女是為恭穆夫
人綽累職鎮東軍節度副使兩浙行軍司馬睦州刺

史王奏授秦州雄武軍節度
使同平章事卒年七十一是冬一日王晝寢夢青

衣人捧簿書於前告曰大王明年錢塘官滿及寤頗

惡之明年天子乃命王封冊中外
皆如列國之儀其兆明矣

癸未三年春二月敕遣兵部侍郎崔曄一作協刑部員外

郎夏侯昭冊封王為吳越國王受封冊建國之儀一

如典禮先一日雨雪王命李咸將卜他日咸曰大王

雙受封冊惟天所相雨雪必霽則可以卜社稷之延

永王從之即夕果星斗明麗翊日遂成其禮王建國
儀衛名

稱多如天子之制惟不改
元置百官丞相客省等使四月唐莊宗即位於魏州

大赦改元同光是月梁亡駕入洛陽因都焉邗溝入
賀京師上書稱大吳國主乾寧中有耕者得傳國璽
以獻於王王謂非人臣家所宜畜至是獻焉五月敕
遣宣諭使通事舍人吳韜走馬自淮甸至賜王名馬
玉帶香藥等先是梁室詔敕不名至是依前不名亦
曰吳越國王焉冬十月朔日有蝕之十二月唐帝遷
都洛陽

甲申同光二年春二月唐帝南郊大赦二月癸卯金吾
衛大將軍員外置同正員檢校司空明州刺史王子
傳曜卒曜王第八子也母濟南郡夫人童氏曜性仁厚明敏好學治郡自得政體累授鎮東軍親

巡都指揮土客諸軍安撫使光祿大夫寶州刺史奏授金吾大將軍員外置同正員檢校司空改明州刺史餘姚侯終年三十惜哉秋七月西川王衍稱大蜀皇帝致書於

京師八月王遣使入貢冬十月制授王依前天下兵
馬都元帥尚父尚書令吳越國王授文穆王檢校太
師兼中書令充兩浙節度使觀察畱後十一月陞蘇
州爲中吳軍制授鎮東軍節度檢校太保兼中書令
大彭郡侯王子傳瓌一作元瓌充中吳軍節度使

乙酉三年春二月南海入賀京師上書自稱大漢國主
夏四月朔日有食之秋八月勅遣正議大夫守尚書
吏部侍郎上柱國贊皇郡開國男賜紫金魚袋李德

休等持節備禮賜王金印玉冊及沿身禮物衣冠劍履等

冊曰維同光三年歲次乙酉八月辛酉朔二十七日丁亥皇帝若曰王者惠濟黎元輯寧方夏重名器任股肱忠而能力則禮崇賞不失勞則人勸所以啓周公之士宇列漢祖之膏腴者錄彼茂勳寘諸異數登進賢哲輝耀事功者也天下兵馬都元帥尚父守尚書令吳越國王錢 朝海靈源承天峻嶽以英風彰德望以勇氣贊忠貞往因義舉之徒盛推韜略遂著襲封之績高步藩維挺魚鯤鳥鳳之姿擁岸虎水龍之眾居方面任將五十年宣導休聲攘除兇醜摧堅奮銳鄙許東固圍之謀阜俗頒條廣冀北安居之頌環塹浙江之要雲滋星紀之墟閱禮敦詩位崇元帥前茅後勁名重中權守畫一之規奉在三之節信立靡移於風雨義行曷倦於津塗効珍則那顧險難薦幣則常歸宰府振英謨而端右弼鍾懿號而異列藩可謂職貢不乏梯航時至翼戴天子加之以恭也載念尊獎爰示徽章今遣正議大夫守尚書吏部侍郎上柱國贊皇縣開國男食邑三百戶賜紫金魚袋李德休

使副朝議郎守起居郎充史館修撰賜緋魚袋聶
與持節備禮胙土苴茅冊爾爲吳越國王於戲地
奄數圻賦過千乘墨守閩閩之境範圍勾踐之封
子弟量才序進多分於棨戟土疆漸海方輸豈限
於魚鹽貴盛富強雖古之封建諸侯禮優夾輔不
加於此慎厥始終無以位期驕無以欲敗度欽承
賜履協予一人汝嘉

時唐帝將議恩命於王顧羣臣曰朕從覺堂卽聞尙
父之名宜以優禮尊之命備冊禮有司仍請竹冊銅
印唐帝曰尙父元老不當待以人臣況已封建乎乃
賜玉冊金印仍以紅袍御服一副賜焉九月王大舉
兵師伐蜀冬十一月蜀僞主王衍降是月制授土客
諸軍都指揮檢校太保兼鎮海軍節度副使王子元
球守檢校太尉兼侍中充靜海軍節度使是月閩王
王審知殂子延翰嗣自稱閩國王

丙四年夏四月戊寅王不康如衣錦軍命文穆王監
國是月莊宗崩明宗卽位大赦改元天成秋七月庚
寅王至白衣錦軍八月朔日有蝕之九月制加文穆
王食邑一千戶實封一百戶又授中吳軍節度使王
子元瞭開府儀同三司加食邑五百戶冬十二月制

授靜海軍節度使王子元球開府儀同三司食邑五

百戶是月建州刺史王延稟殺其弟延翰一名而立

泉州刺史延均於福州延稟乃延均之庶兄也同起兵攻殺延翰延稟乃立延均

於福州而延稟歸建州矣是歲大水蘇州尤甚水中生米大如荳

民取而食之

丁天咸二年春正月唐帝更名亶夏六月楚武穆王

馬殷建國秋八月朔日有蝕之冬十月車駕如汴是

月淮南僞丞相東海徐溫卒子知誥嗣十一月吳王

楊溥稱帝

戊三年春二月朔日有蝕之敕遣監門衛上將軍烏

昭遇賜王湯藥國信等閣門等事李韞授文穆王鎮

海鎮東西軍節度使夏六月以來大旱有蝗蔽日而

飛晝爲之黑庭戶衣帳悉充塞之王親祀於都會堂

是夕大風蝗墮浙江而死都會堂即白太傅居易之虛白堂基也王重建之號

八會亭江東羅隱爲之記以王平吳定越講武計議凡八會於此故名之後更名都會堂也秋七

月己巳忠獻王生

己四年春二月制授文穆王杭越等州大都督府長

史增食邑實封中吳軍節度使王子元璩 食邑五

百戶實封一百戶靜海軍節度使王子元球兼中書

令餘竝如故楚州陞爲順化軍以明州刺史王子元

珣爲順化軍節度使秋七月台州大水請軍儲三十萬斛八月己酉今大元帥吳越國王王孫宏倣生是月明州餘姚縣修舜井獲古佛舍利數十粒兼有珠玉奇玩王命內衙指揮使徐仁綬近侍閻邱稔往迎之因建浮圖於城北一如城南之制九月因樞密使安重誨兄弟用事於朝嘗要求不克乃矯制以王爲太師致仕仍賜烏昭遇自盡

先是烏昭遇之來使也

元球恩命至致性兇悞因恃酒凌昭遇由是有隙王以其辱君命止以常禮遣之攻還京師遂構昭遇於樞密安重誨重誨以昭遇失使臣之體而亦憐王以要求不克誣王不禮君命遂同讒構命王致仕賜昭遇自王命文穆王奏雪其事奏不得通乃以絹書上

之天子始得聞焉出安重誨爲河中節度使是歲所狂地震居人有壞廬舍者

庚寅五年春二月唐帝南郊大赦改元長興元年夏五月制授文穆王以下食邑實封郊禋普恩也六月朔日有蝕之冬十一月楚王馬殷殂子希聲嗣

卯辛長興二年春二月敕遣監門衛上將軍張籛兵部郎中盧重賜王國信湯藥起王致仕復元帥尚書令吳越國王如故依前不名仍示安重誨矯誣之罪

其敕略曰天下兵馬都元帥尚父尚書令吳越國王錢 久列王公恆輪愛戴朕方禮加元老恩遇

遠方安重誨掇綴瑕疵遽行阻絕退其權勢彼使
錢元瓘拜闕上章傾懷請罪言皆激切事且憑虛
盡由爾介蠱之心有誤我含容之德情不可恕罪
不可逭宐出爲河東節度令已誅之以雪其冤故
告

秋七月有象入信安境王命兵士取之圈而育焉八
月建州王延稟子繼昇繼倫奔於我蓋其爲延均之

所害也初審知薨延翰嗣位以延稟爲建州延均爲
泉州延均不悅而延稟亦憾於延翰於是泉

建同起兵攻福州殺延翰遂立延均於福州延稟歸
建州將行謂延均曰善紹先人基業勿煩我老兄再
至延均聞之含憾至是將圖延稟乃詐言使軍吏迎
取延稟乃殺其子繼雄仍執延稟入城延均曰某願
老兄再至矣延稟贈之而就戮繼
昇繼倫自建聞難而奔於王焉冬十一月朔日有
蝕之

壬辰三年春二月遣吏部侍郎盧詹刑部郎中楊薰賜
王國信湯藥等三月己酉夜大雪庚戌王薨於正寢
年八十一在位四十一年朝廷聞訃廢朝七日哀悼
不已

詔曰天下兵馬大元帥尙父尙書令吳越國王錢
本朝元老當代勳賢位已極於人臣名素高於
簡冊贈典旣無其官爵易名宐示其優崇宐令所
司定諡曰武肅詔工部尙書楊凝式爲碑文

夏四月庚午奉靈輜殯於衣錦軍應順元年甲午春
正月壬午敕葬王於安國縣衣錦鄉即錦北鄉茅山之原


即今臨安縣也

王始在軍中未嘗自安每欲暫憩必先整衣甲盥漱而後寢焉又以圓木小枕綴鈴睡熟則欬由是而寤名曰警枕又置粉盤於臥內有所記則書之及撫鎮二國殆及四紀勤勞恭儉始終一致每夕必列侍女各主一更戒之曰外有報事當振鈴聲以爲警省凡有聞報卽時而遣又嘗以彈丸牆樓之外以警宿直者使其不寐以應其事又嘗微行夜扣北城門吏不肯啓關曰大王來我亦不啓王乃自便門而入明日召吏厚賜之稍暇則命諸子孫諷誦詩賦或以所製詩什賜於丞相將吏以下由是往往達旦天福中近侍李詠因監契丹驛中有判官謂李詠曰武肅王嘗夜不睡詠詰其所知荅曰嘗聞五臺王子太師言浙中不睡龍今已歸矣訪其所聞乃壬辰之後也王少時倜儻有大度志氣雄傑機謀沉遠善用長稍大弩又能書寫甚得體要有知人之鑒及通圖緯之學每處獄中而神形有餘純孝之道稟於天性每春秋薦享必鳴

咽流涕嘗曰今日貴盛皆由積善所致但恨祖母不能見耳嘗於後建層樓皇妣春秋高不能上王親負而登焉天祐以後中原多事西川王氏稱蜀邛溝楊氏稱吳淮南城彭氏稱漢長溪王氏稱閩皆竊大號或通嫺戚或通聘好皆以龍衣玉冊洎書疏等勸王自大王嘗笑曰此兒輩自坐爐炭之上而又踞於上耶吾以去僞平賊承天子疇庸之命至於封建車服之制悉有所由豈圖一時之事乃隨波於爾輩也皆却之而不納而諸國之主無不感以父兄事之王加以自奉節儉衣服衾被皆用紬布非公宴惟磁尊漆器而已恭穆夫人嘗以王寢帳墜裂乃上青絹帳請易之王曰作法於儉猶恐其奢但慮後代皆施錦繡耳此帳雖故猶可蔽風竟不易後庭有鄭氏其父嘗以罪當死左右冀其獲宥且言斯人有息女與侍王命出其女而後斬之顧左右刑者曰公柄豈可以一婦人而亂我法耶又嘗夕宴諸王子及諸孫命鼓胡琴未數曲遽止之曰外聞當謂我不恤政事爲長夜之飲宴遂罷王自開創以來至於底定而撫字將帥泊行伍莫不盡得其歡心有勳將何逢歿於賊中一日

王見其所乘馬悲泣不能止左右莫不感激
論曰王挺命世之才屬艱難之運奮臂起義所向
披靡以寡敵眾黃巢不犯其封仗順伐逆漢宏至
於授首誅逐帥之薛朗遂申屬郡之禮畢作偽之
董昌不違本朝之命加以禦淮戎以耀威奉梁室
而示略迴江山之深險致都邑之宏麗七者充備
五福是臻故八輔地圖三授天冊總四海之戎柄
爲一人之父師威名赫然霸業隆矣然後內敦恭
儉外正刑賞安民和眾保定功勳文臺崛起於江
東元德雄據於巴右比之全德固不足同年而語

哉



吳越備史卷之一 終

